

Guangjisi Minzcu Bau

ganhhau: CN45-0036 B.2014 Nd.4 Ng.9 liggaueq gyapngux nienz ndwensam cocib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3118期

Liujcouh: Vah Saw Minzcu Hawj Ciet "Sam Nyied Sam" Lai Hoengh

柳州:民族语文增添“三月三”氛围

Youq seiz guh hozdung "sam nyied sam Bouxcuengh" de, Liujcouh Si minzcu yijwnz bumwnz cizgiz camgya hozdung ndawbiengz, youq lai giz aeu lai cungj hingz sik gya haeuj vah saw minzcu, hawj hozdung yienj-ok daegsaek minzcu, hawj ngoenzciet lai hoengh.

Ciuq cam rox, Liujcouh Si gak sigih, yienh aeu sam cungj fuengsik baijok vah saw minzcu. It dwg youq

ndawbiengz guh le gangj gojgaeq, siengsingh siujbinj, ciengq go daengj hozdung seizde, aeu Vahcuengh, Vahdungcu, Vahmyauzcu daengj lai cungj vah minzcu daeuj gangj, ciengq. Ngeih dwg youq giz veicangz daeuz gak dieg guh "sam nyied sam" hozdung de, venj, sij gij fukvang, byauhyij aeu Sawcuengh, Sawdungcu sij de. Sam dwg youq hozdung gvjangcangz, segih, gwnz

haw, sokloh gak yanghcin, coq gij densw bingzmu, fukvang, byauhyij aeu Sawgun nem Sawcuengh roxnaeuz Sawdungcu song cungj saw caemh sij de. Ciuq gyoepsueng, youq seiz guh hozdung "sam nyied sam Bouxcuengh" de, daengx si yungh gij densw bingzmu, fukvang, byauhyij aeu saw minzcu sij de gungh miz 59 diuz(aen).

(Lij Yinzci)

SIUSIK DINJ

简讯

● 4 nyied 2 hauh banhaet, Yungzanh Yen Dacieng Cin Baujanh Cunh Mbanjdadon Myauzcuz gawjbanh minzcu vwnzva hozdung. Yienh, cin, cunh gak gaep 1 ingjauj nem 500 lai boux Myauzcuz, Bouxcuengh, Dungcu doxcomz giz ndeu, ciengq go diuq foux, angq hoh "sam nyied sam".

(Yang Yenbungz)

● 4 nyied 2 hauh, Vuzcouh Si gak dieg gaihcanj buek hozdung ndeu angq gvaq "sam nyied sam", baijok gij vwnzva ndei saujsu minzcu. Neix hawj vunz lai angqvauvau dwk gvaq ciet.

(Banz Cincinh)

● 4 nyied 2 hauh, Libuj Yen youq ndaw yienh Dadangz Cin Vujdwng Cunh (cunh Bouxcuengh) gawjbanh "cietfwen sam nyied sam", miz 2000 lai boux daj ndaw yienh rog yienh daeuj de ndaej yawj baez byaujyenj neix.

(Cauh Cinyenj Huz Gvanyhau)

● 4 nyied 2 hauh, dwg ngoenzciet "sam nyied sam", Cauhbingz Yen cungfaen leihyungh ngoenzciet vunz lai doxcomz aen gihvei neix, cizgiz senhconz minzcu cwngecwz. Ngoenzde, youq ndaw yienh Vangzyauz Cin Fungliz Cunh (cunh Bouxcuengh) yienjok yienhciengz couh fat 500 lai faenh swliu.

(Vangz Gozlenz)

● 4 nyied 2 hauh, dwg ngoenzciet "sam nyied sam", Ginhcouh Si Gangjanz Gih Minzcu gij youq ndaw gih neix Dunznanz Cunh banh eu fwen yienjangvei, ndaw gih neix 43 boux canghfwen comz daeuj byaujyenj, yinx 500 lai vunz daeuj yawj.

(Cinz Sezdanh)

Lungzcouh: Cietbauqva Hozdung Hawj Saujsu Minzcu Ginzeung Angq Raixcaix

龙州:花炮节活动让少数民族群众乐开怀



4 nyied 3 hauh, liggaueq sam nyied coseiq, Lungzcouh Yen Sangginh Yangh Ginzgyangh Cunh gawjbanh cietbauqva hozdung. Ndawde cawzliux miz ciengj bauqva byaujyenj, lij miz haujai doenghgit vwnzyi cezmuz vunz lai maij yawj de dem, neix hawj gyoengqvunz saujsu minzcu daeuj yawj de angq raixcaix. Ndaw doz dwg gij vwnzyi byaujyenj gig ndei-yawj baez hozdung neix.

(Cinz Youjcaiz Cinz Vanzfungh ingj)

Sanhgyangh: Ciet "Sam Nyied Sam" Hawj Dieg Dungcu Lijyouz Hoenghhwd

三江:“三月三”假日让侗乡节庆旅游火爆

Youq gih raeuz seiz gvidingh ciet "sam nyied sam" cuengqgyaj de, Sanhgyangh Dungcu Swciyen roengz-rengz baijok gij doenghyienh Dungcu gag miz youh ndei yawj de, baijyenj feihvuzciz vwnzva yizcanj, neix sawj gak aen ginggih "mbouj dieg coq ci, mbouj ranzhok ninz", lijyouz gig hoengh. 4 nyied 3 hauh banhaemh,

gicej daj aen yienh neix lijyouzgiz ndaej siusik, 4 nyied 2 hauh daengz 3 hauh, aen yienh neix gungh ciep hekyouz 16.8 fanh vunzbaez, saedyienh lijyouz souhaeuj gungh 7560 fanh maenz, doengzbeij dem lai 125% nem 136%. Ndawde hekrog 4500 vunzbaez, ndaej cienzvaivei 67.5 fanh Meijyen. Cietgingq lijyouz aeundaej yaugoj

yienhda. Ndaw yienh neix bouxswnj-cienz feihyiz heuhguh Vuz Gijhangz naeuz: "Sam nyied sam cuengqgyaj geij ngoenz doxriengz ne gig ndei, hawj gak minzcu ndaej baijok daegsaek minzcu, doiq hungzyangz minzcu vwnzva maenhndei, gyagiengz doxgyau nem doxgiet, doihaeuj lijyouz fazcanj cozyung gig hung!" (Gungh Bujganh)